


U ime Allaha, Milostivog, Samilosnog

PREVOD HUDBE

02.01.2009.



بِسْمِ اللَّهِ الرَّحْمَنِ الرَّحِيمِ ۞

نَحْمَدُهُ وَنُصَلِّي عَلَى رَسُولِهِ الْكَرِيمِ ۞

الْحَمْدُ لِلَّهِ رَبِّ الْعَالَمِينَ -

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ۞

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

Hudba 2. januara 2009.

Darood (salavat) i dove – načini za rješavanje sukoba i postizanja mira

Kratki sadržaj hudbe koju je 2. januara 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Ova prva hudba ove godine bila je koncentrisana na to kako se može postići mir i kako se svijet može osloboditi od mnogih sukoba koji se događaju, većinom pod izgovorom da se događaju radi Boga.

Huzur a.t. je skrenuo pažnju na činjenicu da je ova hudba petkom bila prva hudba i sunčevog i lunarnog kalendara. Početak ovih kalendara se možda također podudario u nekoj ranijoj prilici, ali se sigurno nikada u historiji čovječanstva nije desilo da se to dogodi u toku godine stoljetnice halifata Obećanog Mesije a.s. Da Allah ovo učini izvorom velikih blagoslova za Džemat Ahmadija širom svijeta. Amin.

Huzur a.t. je rekao da želi da iskoristi ovu priliku da skrene pažnju Ahmadi muslimana širom svijeta da pojačaju svoje dove Bogu. Podsjetio nas je da je važnost i značaj petka povezan sa erom Mesije kasnijeg doba, kad će se neahmadi okrenuti prema ovosvjetskim i materijalnim dobitcima i neće poštovati ovaj dan kako je on namijenjen da bude poštovan. U suri Džuma, Svemogućí Allah je naveo da muslimani treba da ostave sve vrste poslova svijeta i sakupe se da obave džumu namaz. Ista sura također sadrži radosne vijesti Mesije kasnijeg doba koji je trebao nanovo prihvatiti misiju Časnog Poslanika s.a.v.s., širiti istinska učenja Časnog Kur'ana, pokazati čišćenje duše i širiti islamsku mudrost da ujedini narode svijeta pod jednu zastavu, sve da postignu blizinu i zasluže Allahovo zadovoljstvo. Obećani Mesija a.s. je objasnio da je era Časnog Poslanika s.a.v.s. bila 'savršenstvo upute' (*takmiil-e-hidajet*) tj., njemu je bila objavljena potpuna i savršena Knjiga, poslije koje nije potreban novi Zakon, i čija će univerzalnost ostati do kraja svijeta, i koja sadrži pretskazanja o svim budućim otkrićima; ukratko, to je Knjiga koja sadrži savršenu uputu za cijelo čovječanstvo. Era Obećanog Mesije a.s., tj. sadašnje doba, je era 'usavršavanja propagiranja ove upute' (*takmiil-e-hidajet*), što znači da će potpuna uputa koja je bila objavljena Časnom Poslaniku s.a.v.s. biti raširena do krajeva svijeta. Mi smo svjedoci ovoga danas da su tehnološki napretci bili upotrebljeni za ovu svrhu. Od 'štampe' u doba Obećanog Mesije a.s. do satelita itd. danas, sve je bilo korišteno da razmnoži ovu istinsku poruku islama. Ovo postaje izvor povećanja vjere za mumina (vjernika) koji je očevidac ovoga u toku svog života. (*Usput je Huzur a.t. spomenuo da je dr. Abdus Selam svoje vlastito istraživanje bazirao na Kur'anskim učenjima i našao da je oko 700 ajeta Časnog Kur'ana u vezi sa naukom ili naučnim informacijama. Musimanski istraživači također treba da koriste ovu riznicu koju Časni Kur'an sadrži i da svijetu otkriju čuda ove Božije Knjige.*)

Skrećući ponovo pažnju na činjenicu da su i sunčev i lunarni kalendar zapravo sistemi stvoreni od Boga, Huzur a.t. je ponovo istakao važnost koju Ahmadi treba da posvete svojim dovama. Da Allah dadne plodne pobjede u svijetu i duhovne napretke Džematu Ahmadija tako da cijeli svijet bude svjedok veličanstvenih naklonosti koje je Allah dao ovom Džematu. Huzur a.t. je rekao da ove pobjede ne mogu biti postignute ukoliko i dok svaki Ahmadi musliman i svaki džemat ne usmjeri svoju pažnju ka tome da učenja Časnog Kur'ana provede u svojim životima, i

širenju ovih učenja svijetu oko sebe sa velikom gorivošću i naporom, tako da istinski postanu zaslužni da budu nazvani 'khair-e-ummet' tj. najboljim narodom. Ovo je ogromna odgovornost stavljena na ramena svakog Ahmadi muslimana, i ako ne bude provedena, mi možda propustimo da primimo Allahove naklonosti. Mi moramo zapamtiti da su Božija pomoć i potpora uvijek blizu, i Njegove naklonosti nastavljaju da se povećavaju poslije svake nevolje, pod uvjetom da se okrenemo Njemu i molimo za Njegovu milost. Huzur a.t. je tražio od cijelog Džemata širom svijeta da stvore novi žar (gorivost) i obnovljeni duh u svojim naporima da provedu islamske prakse u svojim životima tako da nam Bog dadne Svoju ljubav i primi naše dove da uzdignemo visoko zastavu islama u svijetu.

Časni Poslanik s.a.v.s. i Obećani Mesija a.s. su obojica garantovali da je učenje darooda (salavata) formula za primanje dova. Ali učenje salavata nije dovoljno; mi moramo zadovoljiti određene standarde da postanemo primaoci blagoslova salavata.

Huzur a.t. je naveo hadis da je hazreti Anas bin Malik r.a. naveo da je Časni Poslanik s.a.v.s. rekao: za svaki salavat koji proučite, deset grijeha bude oprosteno, deset dobrih djela je uvedeno u vaše bilješke djela i uzdiže položaj za deset stepeni (Nisai). U pogledu ovog hadisa, svaki od nas treba da se bori da postignemo ove blagoslove obilatim učenjem salavata.

Hazreti Ebu Bakr Sidik r.a. je rekao da je čuo Voljenog Poslanika s.a.v.s. da kaže da će na Sudnjem danu posredovati za onoga ko uči salavat na njega. U svjetlu ovog hadisa, važno je da zapamtite da svaka osoba neće biti zaslužna ovog posredovanja; samo oni čija su srca čista i nemaju zlobe i mržnje bit će primaoci takvog posredovanja.

Časni Poslanik s.a.v.s. je došao svijetu kao poslanik mira i jedinstva. Da li muslimani svijeta odražavaju ova učenja Poslanika s.a.v.s.? Mi svaki dan čujemo vijesti da je jedna muslimanska sekta napala drugu, da je muslimanski bombaš ubio toliko i toliko drugih muslimana i tako dalje. Sve ove grupe su muslimani, svi uče salavat, ali ko će biti primalac blagoslova učenja salavata? Ovo je detalj nad kojim se moramo zamisliti i o kojem moramo razmisliti!

Također je dužnost onih koji uče salavat da povećaju svoju ljubav prema Časnom Poslaniku s.a.v.s. i njegovoj porodici (krvnom srodstvu kao i duhovnom, tj. njegovim ashabima) i njegovog doba i onima koji


budu slijedili njegova učenja u budućnosti)), i također da činimo dove za ummet da istinski razumiju i uberu koristi učenja salavata. Mi svi možemo postati bliži Allahu slijedenjem primjera Časnog Poslanika s.a.v.s. i primjera onih koji su voljeli Časnog Poslanika s.a.v.s. Ako muslimanski ummet razumije ovaj koncept, svi sukobi bi bili riješeni. Odgovornost svakog Ahmadi muslimana, međutim, je da nastavi da čini dove i moli se, i da uči salavate, i moli za zaštitu i milost, i da se bori da poveća svoju ljubav prema Časnom Poslaniku s.a.v.s. i njegovim dragim, i da pokazuje besprimjerenu ljubav prema njima. Obećani Mesija a.s. je mnogo pisao o istinski svetim atributima drugova Časnog Poslanika s.a.v.s. i Huzur je pročitao neke isječke o vrlinama hazreti Imama Huseina r.a., hazreti Abu Bekra r.a., hazreti Omera r.a., i mi ih smatramo i poštujemo kao duhovnu i fizičku lozu Poslanika s.a.v.s.

Huzur a.t. je spomenuo sukob koji se događa između Izraela i Palestine u ovo vrijeme kao neumjeren i nerazmjern u svakom smislu. Palestinci treba da poprave svoje puteve i sagnu se pred Bogom i mole za Njegovu pomoć i prizivaju Njegovu milost, i prepoznaju Imama ovog doba. Ako sukobi u muslimankom svijetu danas ne budu riješeni s ciljem da se postigne mir, Huzur a.t. kaže da on sluti svjetski rat u bliskoj budućnosti.

Da Allah osposobi sve Ahmadi muslimane da žestoko mole za svjetski mir i zaštitu od rata i da osposobi ummet da postanu ujedinjeni. Amin. Huzur a.t. je molio (Allaha) za uspješnu i naprednu godinu punu blagoslova za sve Ahmadi muslimane.



Ahmadiyya Muslim Jama'at za Bosnu i Hercegovinu



AHMEDIJA CENTAR:
Tuzlanska 1 b, 71000 Sarajevo, BOSNA I HERCEGOVINA
Telefon/fax: 00387 / 33 612 612
www.ahmadija.ba

Ljubav svakome, mržnja nikome!